

Privremena upraviteljica poziva javna ustanove da otvore nove bankovne racune

Privremena upraviteljica za Hercegovačku banku, Toby Robinson, je jučer pozvala sve javne ustanove i organe koji imaju račune u Hercegovačkoj banci da otvore nove račune u drugoj komercijalnoj banci kako bi mogli ispuniti svoje obaveze za ovaj mjesec. Savjetovala je organima da poduzmu sljedeće korake:

- Organi kantona 2, 6, 7, 8 i 10, kao i općine koje imaju račune u Hercegovačkoj banci moraju otvoriti nove račune kako bi osigurali prikupljanje poreza i isplate. Oni su odgovorni za isplatu velikog broja zaposlenih u javnom sektoru, kao što su državni službenici, prosvjetni i zdravstveni radnici i policija. Porezi su najvažniji izvor prihoda za kantonalne i općinske budžete. Porezi se prikupljaju sedmicno. Stoga svaki dan neaktivnosti kantonalnih organa znači gubitak prihoda, čime se ugrožava isplata ličnih dohodaka zaposlenim u javnom sektoru i uskracuju običnim građanima usluge koje su im potrebne.
- Penzioni i zdravstveni fondovi moraju otvoriti nove račune kako bi osigurali prikupljanje doprinosa, podjelu penzija i plaćanje medicinskih troškova. Ako sada ne poduzmu mjere, ostavice bez sredstava penzionere i one kojima je potrebna medicinska pomoć.
- Općine i ustanove, kao što su bolnice i škole koje imaju račune u Hercegovačkoj banci će također morati otvoriti nove račune kako bi omogućile kantonima da im blagovremeno prebace novac.

Privremena upraviteljica ponovo naglasava da je najvažnije da joj se dozvoli potpun i neograničen pristup banci i cjelokupnoj evidenciji banke. Bez takvog pristupa ona ne može postići da banka ponovo profunkcionira, što bi onda oštetilo vlasnike računa i dioničara, od kojih su mnogi obični građani.